



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

6. Amœnitas terræ ab Adamo aspectæ in Paradiso.

urn:nbn:de:hbz:466:1-45686

ortu suo occasuque, diem & noctem distinguit; eo autem motu,
qui ei per circulum Zodiaci, proprius est, annum terminat; eun-
démque duobus solsticijs, & totidem æquinoctijs, in quatuor par-
tes, vernam, aestivam, autumnalem, & hibernam secat; dierum-
que, per suas vices, incrementa & decrementa efficit; Luna quoq;
interim cursu suo, menses à mensibus secernente.

Sic vigiles, mundi magnum & versatile templum,

Lucret. lib. 5.

Sol & Luna, suo lustrante lumine circum,

de rer. nat.

Perdocuere homines annorum tempora verti.

Et certa ratione geri rem, atque ordine certo.

Hæc in mundum veniens primus noster genitor & oculis, & ani-
mo suspexit. Atque, vt uno verbo dicam, quidquid Chaldæi, quid-
quid Ægyptij, quidquid Brachmanes, quidquid Astronomi, quid-
quid Philosophi omnes; post Adamum, à primis mundi incuna-
bulis, vsque in hanc præsentem horam, per tot mille annorum
spatia, siue dioptris, siue radijs Mathematicis, siue longissimis tu-
bis opticis, siue grandissimis quadrantibus, siue quibuscumque
accuratissimè & faberrimè factis instrumentis; diurno noctur-
noque labore, indeinde studio, pertinaci vigilantia; vel in cælo-
rum motibus, vel in aspectibus astrorum, vel in corniculata Vene-
ris stella, vel in Iouis stipatoribus, vel in Lunæ lucidis interuallis,
vel in maculis Solis, vel in effectibus, aut defectibus omnium side-
rum, obseruare, adinuenire, tam multis, tamque longis & labora-
tis libris comprehendere, & posteritati tradere potuerunt, poten-
tissimique, vsque ad finem mundi, id omne, & multo plura certiora-
que, Adamus, scientia non ab Archimede, aut Euclide, aut in-
scholis hausta, sed diuinitus donata, vidit, perspexit, prædicavit;

& utique (vt diu postea D. Gregorius Nazianzenus) dixit: *Qui-* S. Gregor.
bus verbis utendum sit, nescio, cum solem intueror. Naz. orat. 34.

VII.

Tale nascenti Adamo spectaculum sidera exhibuerunt. Qui
neque, cum nondum rerum supernarum aspectu satiatos in ter-
ram deiecesserent oculos, in aliquid triste incurrit. Excepit enim il-
lum rursus alia creaturarum forma, aliterque mirabilis, vt dice-
ret: *Latentur cali, & exultet terra.* Nam cognitissimum illi erat., Psal. 95. II.
plantarum, aliarumque rerum, sub Luna, existentium generatio- Ferrar. 3. contr.
nem conseruationemque à cali siderumque influxu dependere, gent. cap. 84.

V

REC

& Alex. de
Angelis. 1.
contr. Astrol.
c. 5. post Plin
lib. 2. cap. 39

nec absque eorum lumine, occultisque virtutibus naturaliter
producere posse; sciebat tamen, mira Numinis prouidentia factum
esse, vt, in productione mundi, cœli luminaria, non ante, sed post
plantas primūm conderentur; sic enim nobis constat, Deum esse
verè primarium, & omnipotentem omnium rerum authorem &
conseruatorem; qui, sine ullo etiam caussarum secundarum ad
miniculo, solus possit, si ei placeat, omnia ex nihilo educere, neq;
à naturalibus caussis concursum beat exigere: cùm manus Dei
(utique potentior, quam opera manuum Dei) quæ postea per
caussas secundas erat factura, prius iam fecerit sine illis. Quoniam
autem opera immediate à Deo facta, longè solent esse natura
operibus perfectiora; consequens est, tunc terræ faciem multo
fuisse pulchriorem, quam nunc est, præsertim ibi, ubi tertio mun
di die, hortum pulcherrimis arboribus insignem Vniuersi Machi
nator condidit, non fodiendo, non terram colendo, non con
rundo, sed verbo & sermone solo: dixit, & facta sunt. Cuius im
perio, omnis generis, inibi, proueniebant plantæ suauiter redi
lentes, vmbriteræ, virescentes, aut alijs coloribus variegatae. Tunc
enim primūm, suis terra ornamentis est condecorata splendidiū,
quam puella tenera, primūmque viro desponsa, quæ auro & vni
onibus veste intertexta fulget. Ut enim, in regum viridarijs, areolæ
floribus constitæ, ita in paradiſo ubique pulchre omnia nituerunt:
& huc quidem ingenui coloris purpurā inuitabant Adamum,
illuc diffusi odoris illecebrā trahebant, alibi aspectum simul atque
odoratum ambiguo certamine laceſſebant. Renidebant venusta
rosæ diuersorum colorum: nimirum aliæ flavescentes, aliæ puni
cantes, aliæ ostro accensæ conspiciebantur, aliæ subalbi coloris.
Nec niuea deerant lilia, aut cœruleæ irides, nec anagallides, nec
suane rubens hyacinthus, nec narcissi purpura; nec quidquā corum
omnium, quæ vel primo vere proueniunt, vel adultiore aëstate
germinant. Flos est (violam vocant) inter aliam Zephyri sobo
lem, & minorum gentium flores amoenè educatus; pede modico
suffultus; qui purpuream capit is cœsariem, inquieta ventilatione,
cuiusvis auræ ludibriū officiosè ostentat. Ceterūm ex viridi al
uo progeneratus, quatuor à se purpurea ferrugine germina dif
fundit. Quæ se in patriam demittit scrobem, canescentes fulcro
sue

fuo infigit radios. Ea vel sola, minimaque plantula odore est tam liberali, tam suavi, colore tam grato, ut & Floræ nares inuitet, & oculos alliciat ipsarum Gratiarum. Pæstanique ruris gloriam, comiter lacestat.

Hæc, inquam, viola terræ filia, cæli æmula, & huic innumeri pares, enim uero & maiores molliorè que flosci vestigijs Adami ambulantis ambitione passim fere subiectebant calcando.

Denique Tot fuerant illic, quot habet natura colores, Ouid. 4. Fa.
Pictag, dissimili flore nitebat humus. flor.

Quam simul asperxit, coniux accedito, dixit:

Et mecum plenos collige flore sinus.

Tulit enim Dominus Deus hominem, & posuit eum in paradiſo voluptatis, ut operaretur, & custodiret illum. Cum suauior vita esse non posset, quam inter has naturæ suavitates, dulcissima cura fuit Adami, topiariam exercere, atque agere hortulanum. De illo igitur occupando statuit Deus, quod Poëta canit:

Ille colet nitidis gemmantem floribus hortum,

Manil. lib. 11.

Pallenteis violas, & purpureos hyacinthos,

Liliaque, & Tyrias imitata papanera laces,

Vernantisque rosa rubicundo sanguine florem:

Ceruleum folijs, viridi quia gramine collens

Conseret, & veris depinget prata figuris.

Aut varios nectet flores, fertisque locabit.

Hoc fuit opus Adami: in horto eum Conditor posuit; quasi diceret: Cinge tempora floribus Suaveolentis amaraci. Talis in vario Catull. 62. soles Dinitis Domini hortulo Stare flos hyacinthus;

Mulcet ubi Elysii aura beata rosas,

Propert. li. 4.

Et non sentitur sedulitate labor.

Ouid. lib. 4.

Factor.

Quid delicatius potuit excogitari? habitatio hominis fuit Paradisus; opus jucunditas; labor voluptas. Inducitur in viridarium, statuitur inter flores; reclinatur in mollissimo gramine, ut in herbis capiat soporem; excitatur ad auroram; inuitatur ad rofaria; vagatur inter meras fragrantias, instar apis.

Vt modo rore maris, modo se violine, rosane:

Ouid. 12.

metamorph.

Implicit, interdum cendentia lilia gesat.

Nec stua opus erat, nec sarculo.. Omnia sponte sua tellus

VIII.